

P R O L V S I O .



DMIRABILIS est eius natura sideris, Cardd. Amplifs. quod quia nascentem, occidentemque lucem alterno apparitoris munere antegreditur, & consequitur, Phosphorum, atque Hesperum sapientes nominarunt. Nam cum errantes stellæ dispari motione incertisque vestigijs, modò ad Solem accedant, modò recedant: hæc suos cursus eadem immutabili lege conficit, nec tamen ab astrorum Principe longo interuallo, antecedendo subsequendoque discedit: & illustri candore, vel propè luminum Regem videri, vel cum illo non videri desiderat. Sed quia semper aliquid noui noua fert ætas; antiquis ætatibus ignotam vim ad contemplanda sidera nuper in vitroprehendimus, & Lucifero dedimus lucem. Viderant prisci crescere, ac decrescere Phosphorum; hebescente tamen oculorum acie, eius orbem plena luce fulgentem: tùm æqua dimensione partitum, tùm in cornua curuatum non viderant. Id paucis ante annis non sine admiratione suspeximus; dum ad Hesperum optica Crystallo collineantes, eum in Lunæ speciem spectauimus occultari, aperiri, augeri, minui, consenscere. Ex quo cum Astronomis agnouere Philosophi, stellam dici noctisque nunciam non solùm diurnis

A

spatijs

spatijs commeare ab ortu in occasum, aut signiferum orbem obuersa in ortum conuersione lustrare; sed peculiari Solem ambitu circumire: ideoque inæquali claritate, modò illi subiectam regeſta in auctorem luce deliteſcere: modò è circuli vertice repercuſſo ad inferiora lumine ſe totam intuentibus explicare: modò ad latus collocatam formare in cornua, globosumque corpus vmbris & luce diſtinguere: Hæc, multoque plura de Heſpero alij prædicant; ego duntaxat vnum: eum hodie idcirco meis præluere diſputationibus, vt omnes propinquum Solem, te mihi in hæc Princiſpum Corona aſſulgente, FRANCISCE Card. Illuſtriſſime, intueantur.



ELOGIVM I. 160
HESPERVS
HISPANIAE I. REX.

ATLANTIS frater; sed illo montibus maiore maior.
Hunc enim Africa nō cepit, & quā tenuit Europæ partem
suo nomine excelsiorem fecit.

Vidit Athlas regnantem in Hispania, inviditque,
cum sustineret cælum, frater sustineretur a cælo.
Tale enim præfagus futuri senex prospexit Hispanicum regnū,
terris amplius, & patens extra anni, Solisque vias.
Sed tamen cælo dissimile, quod pro sideribus tot Soles habet,
quot Reges:

eoque illustrius, quod totum ab vno illuminatur.

Ad hunc venisti purpureus FRANCISCE Sol,
ab Arcto versus in Austrum:

è Gallia in Hispaniam, vt ibi quoque Ver faceres.

Et venisti fausta conspiratione geminæ lucis;
cum altera verberaret oculos Regia Maiestate:

altera Legati Religione recrearet:

atque in tuo splendore viderent Principes,
quæ in Romano cælo crearet Sidera Sol VRBANVS.

Exinde redis opratus ad Italiam,
noctemque mæroris fugasti, quam reliqueras.

Vt olim Hesperus è sua Hispania Italiæ nauigauit ad portus,
et Hesperiam dixit, quæ iam te Principe Vesperam nescit:

Nescit enim occasum Virtus, qua fulges:
nec verget in noctem immortalis tuorum Gloria meritorum.

4
H E S P E R V S
HISPANIAE REX.



*AELO minantem vidimus Hesperum
Aeterna Iberis nomina fascibus
Dedisse, sublimemque currum
Occiduo imposuisse Ponto.
Motus receptis legibus asperos
Oblita magna littora Tethyos
Ad fræna regnantis Tyranni*

Indociles posuere fluctus.

Nunc. BARBERINIS ille curulibus

Subdit paternæ stemmata gloriæ :

Manuque sublata figurat

Clara suis simulacra terris.

Hæc, inquit, esto nobilis imperi

Lex una nostris credita sedibus;

Hæc nempe dulcescent adulta

Hesperij vada salsa Ponti.

Hoc terra pectus magnæ animæ capax

Summo minorem Principe Principem

Mirare supplex, & per omnes

Grande decus, columenque curas.

Hæc signa cultu splendida regijs

Affixa valuis cernite posteri;

Auita maiestas in ore

Imperio sobolescet Orbis.

ELO.

ELOGIVM II. 161

HESPERVS
CAELESTIS.

NUNCIVS occidentis Solis , idem & orientis;
sed alius munere , colore , nomine .
matutinus Solem præcedit , sequitur vespertinus ;
ideoq. præstantior ; nam præcedere obsequij : sequi dignitatis est .
Mane candidus Lucifer , neque lucem ferens
postea cum Sole nascentem ,
& antè Cælo diffusam ; Astrorum legionibus
sua cum face vigilantibus
aduersus noctem armatam tenebris .
At Hesperus regia velut chlamyde purpureus refulget ,
Solis perpetuus (quod mirere) hostis , & victor .
Lucis enim sublato signo excitat formidabiles Siderum turmas
Tauris , Leonibus , Anguibus , Hydra , Hercule minaces ,
quæ Solem metu præcipitantem mergunt in Oceanum ,
sanguinea luce rubicundum ; vnde & victor purpuret .
Sed iam , ò Princeps , à moribus tuis candorem Lucifer ,
Hesperus à dignitate optat Purpuram :
vterque abs te mutuari Virtutum lucem ,
quam nec Sol luminum Pater habere potest .

6
HESPERVS
CAELESTIS.



OLIS ad fessum iubar occidentis
Funeris pompam reuocans Ibera
Serus accendit face noctilucos
Hesperus ignes.
Inter obscuri tenebras Olympi
Dulcior fausto venit ore cantus,
Nobiles alta choreas in umbra
Cynthia ducit.

Nox tamen Phoebi redeuntis astro
Concolor, claræ speciem figurat
Lucis, & rerum finit expeditos
Ire colores.

Nempe ludentes placidum per auras
Tollitur Cælo bipatente signum,
Hespero fulget duce BARBERINI
Solis imago.

Ille & obiecti simulacra vultus
Arduus dextra repetit sequaci;
Hac novos, inquit, face suscitabo
Noctibus ignes.

Arcis ò Tellus mea Vaticanæ
Nocte custodem patiæ flammam
Ferre sublimem tibi BARBERINÆ
Munera lucis.

Sic

*Sic adorantes maris inter undas ,
 Sacra cum magnæ imperio Tiaræ
 Ad Madritanas properaret arces ,
 Pûrpura fulsit .*

*Hospiti centum patefecit vrbes
 Fortium mater , geminumque tellus
 Quæ regit Solem , dominasque mouit
 Aula coronas .*

*Oris augustum decus explicata
 Fronte Maiestas , animæque plenum
 Regiæ pectus lateri figurat
 Addita Virtus .*

*Munerum pondus graue , Gangis aurum
 Dextra deuoluit , Ioue quæ Tonante
 Ditior largos veteris metalli
 Diuidit imbres*

*Aureus vidit simul imperantes
 Principis fasces , placidoque fluctu
 Pronus accurrit Tagus , ò Latino
 Pulchrior auro .*

*Mox ab infano populus tumultu
 Fugit armorum , mala nata campis
 Purius circum sata germinarunt
 Foedera Pacis .*

*Pacis amissum iubar , & colorem
 Rebus optatæ reuehunt curules
 Iam dies orbi noua BARBERINO
 Fulsit ab ostro .*

*Solis, ò Princeps, radijs potitur
 Hesperus (toto cadat axe Titan)
 Semper in Cælum remeabit expers
 Noctis & umbræ.*

*Donec æternæ Imperium Coronæ
 Sustinens magni comes ò Atlantis
 Fulcias pronis humeris Olympum
 Hercule maior.*



L V C I F E R

I D E M.

163



VRGE surge iam sereno

Stella purpurans abortu.

Hospes vnde, lucis auspex,

Hostis umbræ, Solis index

Astra conde, pelle noctem,

Lora solue, pande currus,

Rector auræ, vector auri,

Meta noctis, & diurno carus ignis igni præuius.

Solis altus æmulator,

Siderumque, luminumque

Sospitator, Imperator

Surge Lucifer, decoro

Clarior nitesce vultu,

Pulchrior nitesce cultu:

Flammulisque mille onustos

Rore multo sparge crines, imbre flores tange fusili.

Solis aureos iugales

Velat umbra, condit vnda;

Tu profundo, tu liquenti

Euocas ab æmne Phoebum,

Lumen ipse reddis Orbi:

Mane letis purpurantes

Rebus exprimis colores.

Surge, surge, pelle noctem, nigra celo tolle nubila.

Cernin

Cernis ut gemella terris
 Hesperugo purpurascit?
 Mitis orbe fax Ibero.
 Illa siderum cateruas
 Luce suscitatur volanti,
 Lumen excitat sepultum:
 Deque Cynthiæ fauillis
 Astra mille, mille flammæ, mille nocti condit lumina.
 Principis manu vetusti
 Iure maximum potenti
 Venit Hespero trophæum;
 BARBERINI signa vultus
 Splendor Orbis, & Latine
 Fulgor Urbis. Ergo vesper
 BARBERINO iunctus astro
 Solis instar, ignis instar factus Orbi surge Lucifer.
 Phoebe Cælo si recedas,
 Non recedet aura lucis:
 Ora nube si recondas
 Ibit inde lux serena,
 Hora Lunæ, lucis error
 Lumen explicabit, idem;
 Nulla Cynthium, diemque nulla noctis umbra diuidet.
 Hinc abite murmurantes
 Fluctibus graues procellæ,
 Hinc abite fluctuantes,
 Imbrium Noti feraces;
 Ite pestes, ite bella,

11
M I T A R 164
*Regnet Iris, & beato
Conferenet igne cælum;
Simulacra nempe Solis nocte possidebit Hesperus.*



GRATIARVM ACTIO.



N occasu diei oritur Hesperus , So-
lemq. sequitur , à quo lumen accepit .
Vtinam & mihi in occasu disputatio-
nis oboriatur aliqua lux eloquentiæ ,
vnde vestrum Solem humanitatis , Il-
lustrissimi Principes , sin minus lau-
dando, saltem prosequar memorando . Sed vt ille non
aliam lucem, nisi à Sole receptam grato percussu in
largit orem refundit : sic sola poterit , quam vos dede-
ritis, vobis agere gratias eloquentia.

